

Damita cultural Juemy Hernandez a haci bishita oficial na Director di Departamento di Cultura Aruba

DEPARTAMENTO di Cultura Aruba (DCA) a ricibi Damita Cultural 2015, Srta. Juemy Hernandez den un bishita oficial serca Director di DCA, Señor drs. Siegfried Dumfries.

Durante e bishita aki Juemy a conta su experiencia riba stage y cu a ser compaña pa su grupo di baile “Gucci Dancers”, bou direccion di Sr. Rene Kock.

Na ocasion di e bishita aki el a ser acompaña pa Sr. Rene Kock, kende a bisa cu 3 aña prome a prepara otro participantenan den otro categoria cu a gana.

E biaha aki el a dicidi di manda un mucha muhe di su propio grupo di baile mes. Kende a hib’e titulo di Damita Cultural 2015.

Un total di 33 bailado a participa riba escenario cu cambio di cada biaha 6 tabata duna presentacion.

E tema di e show tabata “Futuro ta di Nos” cu un duracion di 6 minuut. Un tema musical cu su

Durante e presentacion Juemy a trece su speech pa muestra cu estudio ta na prome luga, mester duna respet na nos grandinan, kende nan ta un ehempel pa nos. P’esey a uza e cancion “Futuro ta di Nos” cu ta un traduccion y adaptacion di Maybeline Arends-Croes, canta pa Richard Dabian. Un cancion cu a ser graba na aña 1995 y a ser presenta e tempo aya rib’un diadomingo di reflexion na ocasion di despedida di nos studiantenan cu ta bay studia afo organisa pa Comision Despedida Studiantenan (CODES).

Juemy ta masha talentoso. E ta baila, canta y pinta. Cu su show, speech y sonrisa el a sa di conkista e huradonan rib’e anochi ey den Centro di Bario Brazil.

El splica tambe cu el a drenta e grupo pa baila nos bailenan folklore. El a bisa cu nos mester sigui biba y hiba nos cultura na laira. E ta den 4de Havo na Colegio Arubano, San Nicolaas y ta siguiendo su estudio cu hopi disciplina, pasobra estudio ta importante den nos formacion pa ta un profesional.

E anochi di su show tabata un cancion mix. El a habrie cu e cancion “Mi Aruba Stima”, di Hilyanne Croes, un otro cancion “Danki Papa Dios” di su tata Jerino Ridderstaat cu e mensahe di gradicimento na Papa Dios, e tumba “Dushi Bida p’e Rubianonan” di Grupo Betico, “Awa di Coco” di e grupo

composicion tin un bunita mensahe pa nos hobennan. Den e 33 bailadonan bo a haya e Gucci Teeners y nan Mayornan cu ta forma parti di e Gucci Fabulous.

Fuente, e cancion “Positivo y Determina” canta pa Chantal Quant y a ser’e cu “Futuro ta di nos” canta pa Richard Dabian cu e mensahe di importancia di educacion, cultura y union. Banda di bishita DCA lo e haci otro bishitanan mas, manera AHATA, Parke Nacional Arikok, Museo Historico y asina pone su mes na altura di e desaroyonan na Aruba.

Director di DCA, Sr. Siegfried Dumfries a aprecia masha e bishita y a bis’e cu e por conta cu sosten di Departamento di Cultura Aruba.

